



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

VI. An præter tres subsistentias & hypostases personales sit in Deo
subsistentia queda[m] absoluta non personalis, & communis omnibus
tribus personis.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

diuinis, iuxta nostrum quidem concipiendi modum, quidditatue de tribus personis (multo minus de personis creatis) non prædicari: quia essentia in diuinis est vna; persona autem plures. Si quis autem dicat, quidditatue seu in quid prædicari omne illud, quod substantiali & intrinsecā prædicatione, & non in quale prædicatur, is re ipsa non male dixerit, prædicari in quid, ut loquitur Caietanus. Sed quia sensus prior magis videtur seruare proprietatem verborum; nec adeo modus ille loquendi propriè haberelocum, nisi inter ea, quorum vnum est de essentia alterius; cum idem sit quidditas, quod essentia rei, rectius absolute negatur quidditatue prædicari.

16 Neque tamen propterea absolute & simpliciter dicendum est, denominatiū prædicari; cum intrinsecā & substantialiter prædicetur, & non in quale, per modum passionis vel accidentis, ut recte etiam indicat Suarez libro primo, capite tertio, numero decimo nono, qui tales prædicationes appellat personales: & addit; etiam in rebus creatis, nec individuum vagum nec suppositum, vel personam prædicari in quid, de individua substantia, quamvis completa & integra; ac proinde has propositiones non esse quidditatias, Petrus est aliquis homo; seu Petrus est suppositum, aut persona: quia non dicunt formaliter essentiam Petri, sed modum, existendi vel subsistendi; quod nos, inquit, appellamus in qualiter, (non in Quale,) vel in quo modo, &c. Dicamus ergo prædicationes has, substanciales personales: siquidem essentialiter aut denominatiū prædicari solum est diuīs adæquata prædicationis vniuersalis.

17 Cum quo tam non pugnat, quo minus ratio persona p̄dicetur quidditatue de personis, seu diuinis, seu humanis, si subiectū accipiatur formaliter & cum reduplicatione, ita ut sermo sit de persona hac vel illa, secundum formalitatem suppositi vel personæ, ut talis est; ut bene aduerteret Suarez libro r. capite 3. numero 19. Sicut etiam relatio diuina prædicatur in quid seu quidditatue de tribus relationibus diuinis; quicquid hoc ipsum etiam quidam sine causa negent; et si genus ad eas non sit propter transcendentiam & simplicitatem, ut notauit Suarez loc. cit. & similiter de persona dicetur.

Nec obstat, quod interroganti, quid est Pater, recte respondeatur, est persona diuina. Id enim accedit, non secundum proprietatem sermonis, sed potius vel ex inopia vocabulorū; vel quia secundum accommodationem vñus loquendi, & mentem interrogantis, id etiam eo loquendi modo interrogari solet: cum alias propriè, & ex rigore verborum ad eam questionem absolute respondendum foret, esse Deum.

18 Assertio V. Persona non prædicatur de personis diuinis per modum aliquius vniuersalis. Ita Sanctus Thomas cit. quæst. 30. art. 4. ad 3. vbi ait; etiæ communitas persona in diuinis sit communitas rationis, & non rei, tamen non sequi, quod in diuinis sit vniuersale, vel particulaire, vel genus, vel species. Et ad dictum rationem duplificem. 1. Quia neque in rebus humanis, communitas persona est communitas generis vel

speciei. 2. Quia personæ diuinae habent unum esse (nimis tam essentiae, quam existentiae) genus autem, & species, & quodlibet vniuersale, prædicatur de pluribus secundum esse differentibus. Ita Sanctus Thomas.

Et est quidem hæc eius doctrina communiter ab interpretibus recepta: sed neutra ratio caret difficultate. Non prima; quia huius ipsius rei cauilla queritur, cur persona in humanis non sit vniuersale; si quidem vniuocè prædicetur de pluribus, ut vult Suarez cum alijs non nullis. Nec secunda; quia ad rationem vniuersalis videtur sufficere, ut prædicetur de pluribus secundum idem nomen: quo modo etiam in diuinis persona prædicatur de pluribus personis. Ut autem illa plura etiam secundum esse distinguantur, vniuersum non videtur necessarium; siquidem hoc ex definitione, aut ratione vniuersalis colligionis non videtur.

19 Respondeo igitur ex dictis, rationem assertio- nis esse, quia persona non prædicatur vniuocè de pluribus personis, seu diuinis, seu creatis; eo quod non habeat rationem omnino abstractam ab inferioribus; sed inclusam in illis, & inconfuso saltem includentem illa, sicut de ratione entis dictum est.

Quare etiam non probatur, quod docet Vasquez disp. 130. c. 2. num. 12. vbi rationem reddit, quare quidam homo, quod individuum vagum vocari solet, non constitutur à Logicis sextum prædicabile, quia reuera, inquit, nihil commune significat, nisi denominative ratione connotati, scilicet vox individuum; sic autem sufficienter ad quintum prædicabile reducitur. Ita Vasquez. Sed sane, siquidem homo, vti & persona, vniuocè prædicaretur de pluribus; cum habeat modum prædicandi peculiarem ex dictis, nulla esset ratio, cur non sextum vniuersale constituenter; præterquam quod ex veriori & communiori philosophorum doctrina, individuum vagum, ad nullum omnino vniuersale pertinet, ut diximus: esto interim non idem plane significetur, hoc nomine, *Quidam homo*, quod nomine personæ, ut cum Durando q. 1. num. 6. & 7. docet Vasquez ibidem contra Caietanum hic quæst. 30. a. 4. male pro se citantem S. Thomam ibidem: *Quia quidam homo expressè significat saltem in obliquo naturam humanam, & subsistentiam particularem in confuso, hanc vel illam: persona, nisi aliquid addatur, nec expresse naturam humanam significat, nec subsistentiam seu personalitatem, particularem, sed communem rationem subsistentie, quæ proinde etiam signo particulari determinari potest.* Magis ab utroque differt Petrus; quia hoc nomine determinate certa & particularis subsistentia, seu persona significatur: tametsi paulo aliter de hac re loquatur Vasquez cit. num. 12.

DVBIVM VI.

An præter tres subsistentias personales & relativa sit in Deo subsistentia quedam absoluta, & communis omnibus personis.

S. Thom. 2. p. q. 39. art. 4.

Non mouetur quæstio de *hypostasi* absoluta & communi, sed de *subsistencia*. Licet enim aliqui ex vsu S. Patrum, & veteris Ecclesie, apud latinos idem sit subsistencia, quod apud gracos *hypostasis*; ita vt post multas licet controvresias, iam olim fuerit conuentum, utroque nomine significari personam, vt dictum supra dub. 1. & ex epistola Athanasij ad Episcopos Africanos, & Concilio Sardicensi pluribus persequitur Vasquez 1. part. disput. 124. postquam tamen subsistentia vocula apud latinos, præcipue inter Scholasticos, non concretæ, pro persona, sed abstracte pro termino ultimo substantiæ accipi solita est, vt ibidem dictum, disputari cœptum inter Scholasticos, qua & quot sint eiusmodi subsistentiae in Deo, re vol ratione distinctæ; ac speciatim, utrum præter tres subsistentias personales, & relatiuas, quibus constituantur persona diuina, sit in Deo subsistencia quedam absoluta, & communis omnibus personis, à subsistentiis illis personalibus saltem ratione distinctæ: cum interim omnes Theologyno ore fateantur, tres tantum esse in Deo hypostases; intelligentes scilicet hoc nomine siue personas ipsas, siue subsistentias personales, vt bene etiam aduertit Fonseca libro 5. Metaph. capite 8. quest. 5. sect. 5. & Vasquez disp. 125.

Hoc igitur sensu de subsistencia loquendo, tres vniuersim sunt Theologorum hac de re sententiae. Prima docet, non tres relatiuas; sed unam tantum absolutam & communem subsistentiam esse in Deo; relationes vero ait, esse personalitates, non subsistentias. In hac sententia sunt Scotus in 3. d. 1. quest. 2. & in 1. d. 4. quest. 2. & Durandus in 1. dist. 26. quest. 1. numer. 6. & in 3. d. 1. quest. 2. quibus Vasquez disput. 125. capite 1. adiungit Paludanum in 3. distinct. 1. questio. 2. Capreolum quest. 1. artic. 3. Egidium in 1. dist. 23. questione 2. artic. 2. Argentinam dist. 26. quest. 1. Albertum 1. part summ. tract. 10. questione 43. Fundamentum præcipuum est; quia subsistere est perfectio simpliciter simplex; melius enim est subsistere, quam non subsistere: nulla autem relatio est perfectio simpliciter simplex; alioquin perfectio aliqua simpliciter simplex esset in una persona, que non est in aliis: Ergo subsistencia est quid absolutum, non relatio. Fauet etiam eidem sententia Sanctus Hieronymus epist. 57. & Sanctus Augustinus lib. 7. de Trin. cap. 4. in fine, ubi negare videtur subsistere in Deo relatiuè dici. Citantur etiam complura loca Sancti Thomæ; sed qui ubique loquitur de actu existendi, quem appellat existentiam, seu esse, vt bene Vasquez ibidem.

Secunda sententia est Caetani hic q. 39. a. 4. vbi docet esse quidem in Deo tres subsistentias relatiuas & personales, inter se re distinctas: at vero preter has dari etiā quandam subsistentiam absolutam, communem tribus personis, ratione distinctam à relatiuis & personalibus, quæ etiam cogitatione prior sit subsistentijs personalibus, adeoque non sit hypostasis, nec personalitas; cum sit communis, nec adeo etiam constituat personam, sed vt ipso loquitur, quasi semipersonam &

semisuppositum seu individuum concretum Deitatis, quod est hic Deus; additque peculiare hoc esse naturæ diuinæ, ob suam infinitatem, quod in ea, præter subsistentias personales, detur subsistentia quadam alia prior; cum alias ubiq; personalitas & subsistentia sint idem, sicut & persona ac prima subsistentia: quod in sua etiam sententia docet Scotus loc. cit. Idem repetit Caetanus 3. part. q. 2. a. 2. & q. 3. a. 2. & 3. & supra q. 2. a. 1. Eadem sequuntur Bartholomaeus Miranda, in sum. Concil. annot. ad VI. Synodi act. 11. Bartholomaeus Medina 3. p. q. 3. a. 2. Bannes hic q. 40. a. 4. dub. 2. Cabrera 3. part. q. 3. a. 3. disp. viii. Zumel hic q. 30. a. 1. disp. viii. & Thomistæ recentiores communiter, item Molina q. 29. a. 2. disp. 3. Fonseca lib. 5. Metaph. c. 8. q. 5. sect. 5. Bellarminus lib. 2. de Christo cap. 15.

Denique eandem a critice propugnat Suarez hic lib. 4. cap. 11. & in 3. p. tom. 1. disp. 11. sect. 3. ubi etiam eam vocat communem omnium Theologorum; saltem quatenus Deus subsistentiam eiusmodi absolutam tribuit, abstrahendo à subsistentiis relatiuis: ac præter Doctores pro præcedenti sententia citatos, allegat etiam Richardum, Gabrielem, Ockamum, Almainum. Sed hi non tribuunt Deo absolutam eiusmodi subsistentiam, sed existentiam substantialem, per quam dicunt, posse assumi & terminari naturam creatam, non terminante personalitatem; de quo est alia quæstio, vt rectè idem Vasquez loc. cit. cap. 2. qui prouinde addit, sententiam superius expositam (coniunctim quoad partem utramque) nullum sequitur præter Caetanum, ac dictos recentiores.

Omitto Dionysium Carthusianum in 1. dist. 26. quest. 7. quoniam modum absurdum existimare videatur, etiam absolutum & commune suppositum ac personam in Deo constituere; licet denique oppositum tenendum statuat.

Rationes præcipuae sunt. Tum quia subsistencia est perfectio simpliciter simplex: conuenit ergo necessario essentia diuinæ; seu Deo ut sic. Tum quia Deus ut sic, cum sit concretum subsistentia, debet significare aliquid subsistens, & pro codem etiam supponere: non autem ut sic formaliter, supponit pro persona; quia Deus est unus, persona autem sunt tres: Ergo, &c.

Verum opposita his sententia tertia, tres sci-licet tantum esse in Deo subsistentias relatiuas seu personales, nullamque absolutam, visa mihi semper est probabilius, quam sequentibus assertib; declaro.

Affirmo I. Negari nullo modo possunt in Deo tres subsistentia personales seu relatiuas. Ita communis Doctorum, speciatim omnes citati pro secunda sententia, & quos pro tertia sententia citabimus assertione sequenti contracitato pro prima sententia. Probatur ex Concilij & Sanctis Patribus, qui passim & frequenter non solum tres subsistentias personas diuinas, sed etiam tres subsistentias in Deo constituerunt, utique personales; speciatim autem ita loquuntur Synodus VI. act. 11. in epistola Sophronij, in qua dicitur, *Deitatem esse numerabilem personalibus subsistentijs*. Et in VII. Synodo epistola Sinod. dicitur, *Trinitatem*

e. 5c

esse diuisam numerabilibus subsistentiis, & personalibus alteritatibus. Vbi Concilia expresse loquuntur de subsistentia in abstracto, prout nimurum est forma, per quam constituantur & distinguuntur personae. Quare Vasquez loco citato cap. 1. dicit oppositam sententiam aduersari communem modo loquendi Patrum & Conciliorum.

Ratio est. Tum quia subsistentia est ultimus terminus & complementum substantiarum, quo constituitur persona sive suppositum: idque in rebus humanis & creatis verum esse, vltro fateatur Scotus: seruat autem eandem notionem communem etiam in diuinis, siquidem de his, non nisi ex analogia & communibus notionibus rerum creatarum, loqui & distinxere possumus. Tum quia alias videtur consequens, unione humanae naturae factam esse non solum cum persona Verbi, sed etiam cum ceteris personis diuinis. Humanitas enim subsistit non propria subsistentia creata, sed diuina: si ergo haec non est propria & personalis ipsius Verbi, sed communis omnibus personis, sequitur, eandem naturam humana subsistere subsistentia communis omnibus personis; ac proinde ratione communis terminivnitam fuisse cum omnibus personis. Quibus argumentis efficaciter probatur, tres esse in Deo subsistentias personales, seu proprias singularum personarum; easdem verò relatiwas, non absolutas esse, patet ex q. 3. dub. 6. vbi probabimus, personas constitui & distingui inter se, non aliquo absoluto, sed relationibus.

Assertio II. Multo verius est, tres tantum esse in Deo subsistentias personales & relatiwas; nullam autem communem & absolutam. Haec est communis sententia veterum Scholasticorum, qui admittunt in Deo tres subsistentias relatiwas. In primis autem ita sentit Sanct. Thomas, qui etsi nonnunquam speciatim lib. 4. cont. gent. cap. 28. & 1. p. q. 3. subsistentiam absolutam & communem Deo tribuere videatur, accipiendo voculam substantie & substantiam, pro existentia substanciali, videlicet per se, & non in alio, velut subiecto; tamen loquendo de subsistentia, vt est modus seu terminus naturae existenti superadditus, nunquam eam à persona vel personalitate distinguit. Vnde q. 29. a. 2. dicit, *subsistentiam & suppositum idem significare*. & 3. p. q. 3. a. 3. ad 1. ait, *quod est subsistens in diuina natura, consequens esse, ut sit persona*. Et quest. 9. de potentia a. 3. & 5. dicit, *ex hoc quod aliquid est subsistens, habere, ut non possit de pluribus predicari*. Eiusdem sententiae sunt Aenafis 3. p. q. 1. mem. 3. & q. 7. mem. 1. a. 3. Bonaventura in 3. dist. 1. a. 1. q. 3. Richardus in 1. dist. 26. a. 1. q. 1. Henricus quodlib. 5. q. 8. Marsilius in 3. q. 2. a. 3. dub. 2. Genebrardus lib. 2. de Trinitate, quos etiam sequitur Vasquez loc. cit. cap. 3. Eandem sententiam tenuit Gregorius de Valencia hic q. 13. pun. 3. & Albertinus tom. 2. de substant. quest. seu coroll. 11. dubit. 1.

Probatur primo; quia apud SS. Patres, & in Concilij, inauditum est, esse quatuor hypostases aut subsistentias in Deo; quin potius ubique subsistentia, hypostasis, personam, & suppositum in Deo, habent pro eodem; nisi cum subin-

de controversia de vocibus hypostasis & subsistentia nondum satis explicata, accipiunt subsistere, vel subsistentiam, pro existentia substanciali, nimurum per se, & non in alio velut subiecto, vt etiam de S. Thoma dictum: quo quidem sensu nemo negat, subsistentiam communem & absolutam in Deo. Quare etiam Imperator Justinianus in edito seu confessione ad Ioannem II. Pontificem latine scripta, ait: *[Quoniam non est idem natura & subsistentia. Omnes enim sancti Patres consonantes nos docent, aliud esse naturam sive subsistentiam, & formam; aliud subsistentiam, sive personam: & naturam quidem, vel subsistentiam, & formam, hoc quod est commune significare: subsistentiam autem sive personam hoc, quod est speciale. Et Vasquez cit. e. 3. ait, nullum ex SS. Patribus tam Latinis, quam Græcis esse, aut inueniri, qui post compositam item de harum vocum significatione, vt dictum dub. 1. concedat in Deo absolutam aliquam subsistentiam, aut hypostasin: quicquid Hieronymus & Augustinus, olim de significatione græcae vocis adhuc dubij, vt dictum cit. dub. 1. aliter nonnunquam videantur locuti; subsistere accipientes pro existentia substanciali; de quo plura Vasquez cap. 5. qui ad similia aliorum Patrum testimonia, ex parte etiam depravata citata, sigillatim respondeat.*

Secundo in rebus creatis, ac Philosophia naturali, inauditum est, subsistentiam ab hypostasi, adeoque supposito, seu suppositalitate differre, vt etiam fatentur Aduersarij: noua igitur & confusa est illa notio vocula subsistentiae, quam in Deo absolutam diuersa plene significatione constituitur.

Tertio. Nisi quasi pro arbitratu nominum significata mutentur & fingantur, de ratione subsistentiae (prout dicit modum superadditum existentia, vel existentie substanciali) est, vt reddat naturam incommunicabilem; dat enim esse per se, & non in alio, non solum velut in subiecto, hoc enim facit ipsa per se natura subsistentiae; sed nec in alio, velut terminante, & quasi complete substancialiter ipsam naturam; quod non facit illa subsistentia absoluta; qua non obstante, natura diuina communicabilis est tribus personis, vt facent: authores opposita sententiae: Ergo nulla est in Deo subsistentia eiusmodi communis & absoluta.

Aiunt, *voculam, in alio ut terminante, intelligendam de alio re distincto: & hac ratione etiam subsistentiam illam absolutam in Deo dare esse, per se, & non in alio. Sed hoc minime satisfacit: quia si substantia illa non facit ex se naturam omnino incommunicabilem, etiam alicui alij virtualliter distincto, videlicet persona diuina, cum ipsa quidem per se nil obstat, quo minus natura diuina possit communicari alicui etiam re distincto ab essentia, si hoc aliunde in Deo non implacet contradictionem.* Vnde quod natura diuina non possit esse in alio re distincto, non habet per subsistentiam illam absolutam, vt sic; sed per attributum simplicitatis, que obstat, quo minus etiam supposita, quibus diuina natura comunis-

catur, possint esse re distincta ab essentia. Denique de ratione substantiæ est, ita reddere substantiæ naturam incommunicabilem, ut natura ipsa hoc modo subsistens, iuxta nostrum concipiendi modum, & formaliter, nullomodo possit ulli personæ amplius communicari: siue persona hec re, siue ratione tantum ab ipsa natura ita substantiæ distinguitur: cum tamen iuxta oppositam sententiæ ipsamet illa substantiæ, qua talis est formaliter, pluribus personis communis sit; ac per ipsas substantias personales ulterius determinetur.

12

Ad primum utriusque oppositæ sententiæ Respondetur, substantiam ut sic non magis esse perfectionem simpliciter simplicem, quam personalitatem, seu suppositalitatem, à qua, ut dictum, etiam in diuinis non differt. Hæc autem secundum rationem quidem particularem & individuam, ut est hæc vel illa personalitas, non est perfectio simpliciter simplex, etiam prout in Deo est, ut ex veriori suo loco inferetur q. 3. dub. 4. et si secundum rationem communem, & quasi abstracte accepta, dici possit perfectio simpliciter simplex; cum sit in quolibet ente melior ipsa, quam non ipsa, seu quam aliud cum ipsa incompossibile. Nisi aliquis malit dicere, eam definitionem perfectionis simpliciter, intelligi de aliquo, quod iuxta suam quandam rationem individuum (qualisunque demum illa sit) & ut in particulari alicubi existit, melior si ipsa, quam non ipsa; quo sensu simpliciter negari poterit, esse perfectionem simpliciter. Quod si concedatur, priori modo esse perfectionem simpliciter, non tamen ideo necesse est, eandem numero communicari omnibus personis; quia ut dictum, iuxta suam rationem individuum non est perfectio simpliciter simplex.

13

Ad secundum argumentum primæ sententiæ iam antea responsum est, S. Hieronymum, & Augustinum, re nondum satis comperta, substantiam siue substire accepisse pro existentia substantiali.

Ad secundum argumentum secundæ sententiæ Respondeo cum Vasquez d. 156. cap. 2. omissis varijs aliorum sententijs, nomen Deus per se ac immediate supponere, nec pro substantiæ illo absolufo; tale enim nullum est; nec determinatæ, quantum quidem est ex vi nominis, pro uno aliquo certo & determinato substantiæ in natura diuina; sed pro concreto seu individuo Deitatis, quod, ut cetera substantia concreta naturarum, licet supponat materialiter pro persona, eamq; adeo etiæ connotet, velut in quo subsistit natura; formaliter tamen & directe significat naturam: unde etiam dicitur hic homo, non quia sit in hoc supposito, sed quia est hæc natura in hoc velillo supposito. Eodem igitur modo hic Deus directe quidem, & formaliter dicit & significat singularem naturam diuinam, non tamen particularem & individuam aliquam substantiam diuinam; sed abstracte & indifferenter connotat aliquid, seu quicquid est subsistens in natura diuina: ita ut quamvis suppositio illius termini sit particularis & determinata ex parte diuinitatis, tamen ex parte substi-

stantiæ sit communis, & abstractens à tribus personis in particulari, qua nimisrum sunt hæc personæ particularia, ut suo loco etiam de spiratore dicetur. Quare etiam de omnibus & singulis personis potest prædicari; & ratione quoque prius intellegitur hoc concretū diuinitatis, quā ipse personæ eo modo, quo vniuersale prius dici solet de particulari, iuxta Aristotelem in postprædicamentis cap. 2. de modis prioris.

Ex quibus etiæ efficitur primo, licet Deitas ut sic nō concipiatur à nobis ut ens infinitum simpliciter in omni ratione entis, sed essentia tantum, esto substantia in genere concepta in perfectione simplex; tamen Deum, & qualilibet personam diuinam, etiam iuxta nostrum concepient modum, esse ens simpliciter infinitum: cum tam Deus, quam personæ singulæ includant substantiam; ille indeterminatè hanc vel illam, seu etiam omnes simul; hæc singulæ vero etiam determinatè suam.

Secundo colligitur, licet Deus materialiter idem sit, quod habens Deitatem, ut loquitur S. Thomas hic q. 39. a. 4. tamen formaliter & in modo significandi idem non esse, ut recte etiam Suarez, Vasquez & alij: nam habens Deitatem adiectum est, & ideo pluraliter dicitur, iuxta eundem S. Thomam; Deus non item ex certa omnium.

DVBIVM VII.

Quæ ratione diuina persona se habent ad essentiam, ac attributa essentia: & quomodo tum de utrisq; inter se comparatis; tum uniuersim de his, que pertinent ad unitatem & pluralitatem in Deo loquendum sit.

S. Thomas I. p. q. 31. & 39.

Ad considerationem diuinarum personarum, in genere, maximè etiam speat habitudo earum (vriue intrinseca) ad diuinam essentiam; ex qua nascitur varij modi loquendi, de his, que pertinent ad unitatem & pluralitatem in Deo: etiæ de hac re S. Thomas duas speciales questiones institutæ; que tamen nos omnia, quia fere ex dictis colliguntur, aliquot assertionibus breuiter explicabimus; praesupponendo, comparari posse diuinas personas cū essentia, vel secundum rem ipsam; vel secundum predicationem, seu modum prædicandi. Ad rem ipsam in primis pertinent duæ priores assertiones; ad modum loquendi seu prædicandi ceteræ.

Affirmatio I. Personæ diuinæ ab essentia re ipsa nullo modo distinguuntur; sed solum ratione. Ita S. Thomas cit. q. 39. a. 1. & communis Doctorū, specialitatem Alberti Magni in 1. dist. 2. art. 20. Alesius I. p. q. 44. in fin. Gandaensis in sum. artic. 24. q. 2. & quodlib. 5. q. 6. Egidij in 1. dist. 2. art. vlt. q. 2. ad 1. Heruæi ead. dist. quæst. 4. quam inter recentiores bene tenuuntur Caietanus hic q. 39. art. 1. &

Grego-